

Zbog gužve u sarajevskom zatvoru

# Na slobodi 383 osuđenika

Sud izrekao 355 godina zatvora • Na čekanju za služenje kazne i sedam ubica

Općinski sud u Sarajevu izrekao je ukupno 355 godina zatvora za 383 osuđenika koji su i dalje na slobodi, jer za njih nema mjesta u sarajevskom Centralnom zatvoru.

Naime, prema važećem pravilniku, osuđenici Općinskog suda kaznu mogu izdržavati samo u sarajevskom zatvoru koji

je pretrpan. Prema njegovom sadašnjem kapacitetu, trebat će pet godina da svi osuđenici dođu na red za izdržavanje kazne.

- Među onima koji čekaju da odu u zatvor je i sedam osoba osuđenih zbog ubistva pa ti ljudi predstavljaju stalnu opasnost za građane. Također, kaznu nisu

počeli izdržavati osuđeni za teške krađe, njih 65 i vjerovatno se oni i dalje bave tim „poslom“ - kaže za „Dnevni avaz“ Goran Salihović, predsjednik Općinskog suda u Sarajevu.

Za proizvodnju i prodaju droga osuđeno je 57 ljudi dok ih je četvero kažnjeno zatvorom zbog udruživanja u zločinačku organizaciju. Čak 174 godine zatvora izrečene su osobama koje nisu dostupne sudu, odnosno trenutno su u bjekstvu.

- Veliki problem predstavlja i to što sve više maloljetnika čini sve teža krivična djela. Također, imamo i slučajeve da nas ljudi, koji su slučajno otišli u kriminal, optužuju da kršimo njihova prava zato što ne mogu odslužiti svoju kaznu, kako bi se rehabilitirali i nastavili normalan život - dodaje Salihović. **M. A.**

## Osuđenici na slobodi

Djelo	Broj osuđenika
Nasilničko ponašanje .....	9
Teška saobraćajna nesreća .....	13
Teška tjelesna ozljeda .....	5
Prevara .....	5
Nasilje u porodici .....	5
Nedozvoljeno držanje oružja .....	3
Krivotvorenje isprava .....	3
Izazivanje opće opasnosti .....	5
Razbojništvo .....	9